

Gou Hag Rox Cawj Byaek Lo

我学会煮菜了

贵港市覃塘区蒙公乡凌寺小学三(2)班 覃星谐



Gou cuengqhag ma daengz ranz, haeuj ranz baez yawj, cij raen gwnz daiz miz mbaw ceij ndeu, gwnz ceij sij: "Siujsingh, daxmeh bae guh hong lo, mwngz swheij gag cawj byaek ba." Gou ndawsim gag naemj: Dwg ha, daxmeh ciengzseiz youq rog guh hong, ma ranz lij cawj byaek hawj gou gwn, geijlai sinhoj ha. Gou gaenq sam nienzgaep lo,

wnggai rox cawj byaek lo. Naemj daengz gizneix, gou gietdingh yaek hag rox cawj byaek.

Gou sien dawz mbawbyaek henjgeq mbaet bae, aeu doengi daengj le buenq doengi raemx, dawz byaek swiq ndaej seuq swtswt, yienzhaeuh aeu cax daeuj cab byaek, cab ndaej miz hung miz iq, dinj raez mbouj doengz. Caj rek hoengz ndat le, cuengq di youz roengz rek bae, caiq dawz byaek hix cuengq roengzbae, cij dingqnyl ndaw rek yiengj "bibi baba", gou yungh canjbyaek fan bae canj dauq. Gvaq le seiq haj faen cung, gou cuengq di raemx roengz ndaw rek bae cawj. Mbouj gvaq geij nanz byaek

couh cawj cug lo. Gou daek byaek roengz ndaw deb le, aeu dawh daeuj cimz, o, yienzlaiz mbouj geiq ndaej cuengq gyu lo.

Daengz haemh daxmeh guh hong dauqma, cam naeuz: "Siujsingh, ngoenzneix byaek cawj ndaej baenzlawz yiengh ha?" Gou mbouj ndei eiqseiq dap naeuz: "Gij byaek dwg gou cawj, gou dawz byaek cawj cug lo, hoeng mbouj ndei gwn." Daxneh mbouj gvaq gou, angq dwk haenh gou majhung lo, rox saeh lo. Ndawsim gou lumj gwn le diengzrwi ityiengh van.

Gou dwg sam nienzgaep hagseng, gou hag rox cawj byaek lo.

(指导老师:杨金梅)



Gienh Saeh Nanzlumz Ndeu

一件难忘的事

贵港市覃塘区蒙公乡凌寺小学四(2)班 韦嘉能

Gou majhung daengz seizneix, fatseng gvaq haujlai haujlai gienh saeh, hoeng miz gienh saeh ndeu, ciengzciengz yienh youq naj da gou, lumj ngamq fatseng nei.

Miz ngoenz ndeu, ban gou hwnj goq yijvwnz, gyoengq doengzhag cungj byaij haeuj gyausiz, naengh youq dieгнаengh swheij, caj lauxsae daeuj hwnjdangz. Mbouj geij nanz, lauxsae byaij haeuj gyausiz, haenduq gangj goq lo, gyoengq doengzhag bouxboux cungj nyinhcaen dingq lauxsae gangj goq, gou hix nyinhcaen dingq.

Sawqmwh, gou dingq nyi miz vunz heuh gou, gou nyeux gyauej yawj coh laeng, laxlawz dwg Siujmingz cam gou ciq gangbit, gou couh daj ndaw habbit dawz bit ciq hawj de. "Siujsingh, cingj mwngz hoizdap aen vwndiz gou ngamq gangj haenx." Lauxsae gig yiemz dwk yawj gou. Gou di ndeu cungj mbouj rox hoizdap, gyoengq doengzhag cungj riu gou, gou naj fwt hoengz, gig siengj daej, hoeng gou youh nyaenx youq lo. Lauxsae gangj vah gou coenz ndeu hix dingq mbouj nyi. Gou vih gijmaz ciq gangbit hawj de ne? Vih gijmaz mbouj nyinhcaen dingq lauxsae gangj goq ne? Gou siengj bae siengj dauq, nanzdauh gou loek lo, neix mbouj dwg bang bouxwnq ma?

Gou gig nanzlumz gienh saeh mbouj wnggai fatseng youq ndaw goqdangz neix.

(指导老师:覃福奇)

Daxmeh Gou Siengj Doiq Mwngz Gangj

妈妈我想对你说

贵港市覃塘区蒙公乡凌寺小学六年级(2)班 覃涵

Daxmeh, gou miz haujlai vah siengj doiq mwngz gangj.

Daxmeh, mwngz miz haujlai ngoenz mbouj bae guh hong lo, youq ranz buenx gou, cungj dwg aenvih gou baenzbingh lo, mwngz lau gou gag youq ranz mbouj miz vunz ciuqgoq.

Bonjlaiz, swiq vanj, ndat raemx dwg hong gou wnggai guh, seizneix mwngz bang gou guh gij hong neix, gvaqlaeng, caj bingh gou ndei le, gou itdingh gyaboix roengzrengz bae guh.

Gou lij geiq ndaej gij

cingzgingj mwngz daih' it baez soengq gou bae hagdangz haenx. Ngoenz haenx fwn lumj bat raix raemx roengzdaeuj nei doek dwk, mwngz lau gou deng fwn rwed dumz, mwngz dawz buhfwn cungj dangj youq gwnz ndang gou, bae daengz hagdangz seiz, gou fatyienh mwngz daengx ndang cungj dumz liux lo. Yawjraen gij cingzgingj neix ndawsim gou gig raeuj gig gamjdoengh.....Seizhaenx gig siengj sing hung doiq mwngz gangj: Daxmeh docih mwngz!



Hoeng gou gangj mbouj okdaeuj.

Daxmeh ha daxmeh, seiz-neix gou siengj doiq mwngz gangj, gou majhung le itdingh ndeindei bauqdap mwngz.

(指导老师:庾景喜)

Yenz lauxsae raen song boux doengzhag doeg sat cozvwnz, couh naeuz: "Baihlay cingj daihgya daeuj gangjgangj, dingq cozvwnz Dangz Dahaij le, daihgya nyinhnaeuz Yenz lauxsae cigndaej gingqboiq haenx cingj yaengx fwngz." Dangz Dahaij raen cijmiz geij boux doengzhag yaengx fwngz, de gag siengj: "Yenz lauxsae seizneix lij son raeuz, bingz-seiz youh doiq raeuz baenzneix ndei, gij doengzhag haenx lij nyinhnaeuz de mbouj cigndaej gingqboiq, caen mbouj miz liengzsim. Hoeng de youh raen, gij doengzhag nyinhnaeuz Lij lauxsae cigndaej gingqboiq haenx cimq daengx ban doengzhag vunzsoq dingzlai. Yenz lauxsae riunyumj dwk ngaek gyauej, naeuz: "Gij siengjgap gou hix caeuq daihgya ityiengh, nyinhnaeuz Lij lauxsae engq cigndaej daihgya gingqboiq."

Dangz Dahaij baez dingq, gyoengq doengzhag caeuq lauxsae cungj fanjdaij swheij, lumjbaenz swheij bungibauq Yenz lauxsae nei, gamjdaengz gig vi, "dwng" dwk ndwn hwnjdaeuj, raemxda youq ndaw

sij cozvwnz cingzgingj

Ndaw Godangz Geqnaeuz

课堂上的倾诉

gvaenghda nding'yan aeng dwk, de gikdoengh dwk naeuz: "Yenz lauxsae doiq raeuz baenzneix ndei, vih gijmaz mbouj cigndaej daihgya gingqboiq?" Song coij raemxda menhmenh daj gemjnaj lae roengzdaeuj, Dangz Dahaij yungh laengfwngz uet raemxda, daejsaekwk dwk naeuz: "Bingzseiz, Yenz lauxsae daih raeuz lumj lwg caenseng ityiengh, daihgya cungj rox bw. Miz gienh saeh he sawj gou gig nanzlumz. Haggeiz gonq, gou vihliux loengh Liuz Yenz boux gvejimaj neix, hai aendou gyausiz diuz luengq he, cuengq aenndoengj youq gwnz begdou, siengj hawj Liuz Yenz mwh hai dou haeuj gyausiz, aenndoengj doek roengz camj youq gwnz gyauej de. Hoeng Yenz lauxsae miz saeh daeujdaengz gyausiz, aenndoengj gwnz begdou

doek roengzdaeuj, cingqndei doek daengz najbyak Yenz lauxsae. Sawqmwh, najbyak oklwd swnh gemjnaj ndik daengz gwnz dieg lo.

"Ngoenz haenx cuengqhag le, gou mbouj gamj ma ranz, mbwn youh doek fwn hung, gou boux dog youq ndaw gai youzlangh, mbouj rox baenzlawz guh cij ndei. Mbwn laep lo, daxboh daxmeh raen gou cungj caengz ma ranz, couh dwk dienhvah cam Yenz lauxsae. Yenz lauxsae baez dingq gip lo, mbouj goq baksieng swheij, gaemdawz aenliengj couh buet ok ranz bae. Ra raen gou le, daxboh daxmeh cij rox gij saeh fatseng haenx, daxboh daxmeh ndaq dwk gou, hoeng Yenz lauxsae cij dwg yungh fwngz lumhlumh aen'gyauej gou, coenz vah gvaq gou he cungj mbouj



gangj.

"Deng fwn rwed le, gou fatndat bingh lo. Yenz lauxsae ngoenzngoenz mbouj lau loh gyaе daeuj yawj gou, lij bang gou bouj goq, de mbouj dwen gvaq gienh saeh aenndoengj saek baez.

"Yenz lauxsae baenzneix dungx-gvangq, sim baenzneix swnhsienh, nanzdauh mbouj cigndaej raeuz gingqboiq ha?"

"Bababa....." Ndaw gyausiz yiengj hwnj sing bekwngz nanznanz cungj mbouj dingz.

(5)